

Polko Sokome Nakayáñoní

Kolosi Yendé Unipareko Ñuno Uró Ñu

Mande Kembé

Komo suki uni kato sokome ña **Grik** mandewore nakayáñaró, ko eneño owí nekaró, “Pol,” yaró. Uni ñuko **asáñowí uni** Pol nanqe. (*Kolosi 1:1* weyo qembe.) Itaka ñño-ñño uni kumimbo ñande ye ñño-yotenggo, ko enendo kumima naru 60AD quno ñuno **Rom** yendémo kusi-kusi yano nakayáñoro riní Kolosi yendémo ñuno uró. (Asa “60AD” murí muko ñandiro, ko Yesu nimí pisiyaró, yate kumima naru 60 ñunde rotaró. Nore kumima naru 2,000 ñunde rotoro yate itaka yoteto.) Polko **Anutu koro huru-huru** Kolosi yendémo yora qu kama yiyaró. Komo uni ka, owí muko Epapiras, **miti mande** yesowo yimitoyaró. (*Kolosi 1:7* weyo qembe.)

Asa Pol kusi-kusi ya yoníño, Epapiras mahero o soso Kolosi yendémo tunoqaró ñuro mironí sokome ña nakayáñaró. Epapiras ñande miraró, ko ññondutu unipare Kolosi ñuno kho meté tero ññondutu hamó teyanggurí. Quko uni kumimbo, mande koroqe ka, yero ñño-ñño ye roworemoyanggurí. Ñunde ñuroko Polko sokome ña nakayáñoro mande hamó mu rondaqe yunoyaró.

Kolosi yendé ñuko yendé parámi kini, tomó ta. Ñuko Efesus kutaqe ñuno, kilomita 160 ñundiro.

1 ¹No Pol, Anutuko kho nunoní no Kristo Yesu^a koro asáñowí uni^b ka tunoqanowó. Noya topo Timoti koya, ²nore irisa norendo ye topo-toponari meté horé Kolosi yendémo ñuno yotoro ko Kristowore ññondutu kondé teyotenggo qu, ñuro sokome ña nakayáñarowó. Asa Anutu Awananimbo samaka-samaka tuwó yunoya newondeye riníka ime yoní.

^a **1:1** “Kristo Yesu” - komo suki *ye-ye unindo* Anutuko uni ka rokóñoní mahero wiri yerete uni parámi horé tunoqeweya qu karo yanggurí. Juda unipareto uni maheweya ñu, “Kristo,” ma, “*Mesaiya*,” ye nekañgurí. Asa Yesu mahiní eneño unipareyó, “Kristo Yesu,” ma, “Yesu Kristo,” nanqe ye nekañgurí. ^b **1:1** “*asáñowí uni*” ñuko Yesuko rokóñoro asáñoní eneño khoyó taró.

Polko Anutu yungunajoyaró

³Naru rokóŋoro, nore hariri teyotero quno ŋuno, yeŋo iŋoro Anutu, Uni Paráminani Yesu Kristo^c ŋuro Iwí, eneya yungunajoyotero. ⁴Dokoro, nore ŋande iŋarowó, yendo Kristo Yesu iŋondutuwo unipare meté horé^d soso newonde meté yunoyotenggo. ⁵Ŋunde iŋondutu tero o newonde meté yunoyotenggo, dokoro komo ye miti mande^e hamó ŋu iŋoro Anutuko yeŋomboro o meté mu samboko rotaró ŋuro sopoyotenggo. ⁶Miti mande komo iŋaŋgurí ŋundo nokone-nokone uyariní eŋgé tunoqero woteyote. Yeno ŋuya uyariní ye Anutu koro samaka-samaka tuwó^f ŋuro hamó iŋoyi tondaŋiní eŋgé meté mu tunoqero wotaró ŋu, yate-yate itaka ŋa arete ŋa. ⁷Toponari hamó Epapiras, noreŋo kho kopo ŋundo miti mande ŋu ye yimironí iŋaŋgurí. Enendo Kristo koro kho qu hamó tero kondé samaka yereyote. ⁸Enendo ŋande nimiraró, ko yendo Yuqa^g howero unipare newonde meté yunoyotenggo.

⁹Ŋunde ŋuroko yeŋo oteteyemboro iŋarowó qu noŋgo yate itaka arete ŋa, naru rokóŋoro yeŋo hariri teyotero. Hariri ŋuko ŋandiro, meté Anutuko Yuqa koro iŋo-iŋoyó yunoní ye murí enesó-enesó iŋoyi tondaŋeweya, ko Anutu koro iŋo-iŋo ŋu hamó iŋowango. ¹⁰Ŋunde iŋoro Uni Parámimboro murí howero kho meté soso tiŋo, eŋgé tunoqeweya, ko yeŋo Anutu ŋuro iŋo-iŋoye parámi teweya. Ŋunde ti enendo oteteye ŋu qenero niŋgu-niŋgu teweya. ¹¹Ŋuya nore ŋande hariri teyotero, ko Anutuko sine parámiyómboro^h wimbí parámi yunoní ye kondé kaŋero quhurí korowowango. Ŋunde yunoní ye quhurí ye kini teweya ŋuro mondó ta sopowango. Ŋunde tero niŋgu-niŋgu tero ¹²ye meté Anutu Awa yungunajoyowango. Dokoro, enendo mepémo te yunoní yendo unipare meté horémboro o meté mu hiyómo yote ŋu rewango. ¹³Komo huriri koro wimbí kasiramo yorato, quko Anutuko wimbu ŋu noŋgo norero norotoní eneŋo Naŋuní hamó iŋo inoyote ŋundo nore wiri yereyote. ¹⁴Enendo Naŋuní moŋgo kimo nereroⁱ quhurínani se rotaró.

Kristoko o soso sopoyote

¹⁵Naŋuní ŋuko Anutu sóqewí ŋuro kiraró qembe. Ŋuko Anutuko o soso towaró ŋuro uni korete-korete yote. ¹⁶Dokoro Anutuko ene quroko o soso

^c 1:3 “Yesu Kristo” - komo suki *ye-ye unindo* Anutuko uni ka rokóŋoní mahero wiri yerete uni parámi horé tunoqeweya qu karo yaŋgurí. Juda unipareto uni maheweya ŋu, “Kristo,” ma, “*Mesaiya*,” ye nekaŋgurí. Asa Yesu mahiní eneŋo unipareyó, “Kristo Yesu,” ma, “Yesu Kristo,” nanŋe ye nekaŋgurí. ^d 1:4 “*unipare meté horé*” ŋuko oteteye soso muko meté nanŋe kini. Kini, owé ŋu “unipare meté horé” ŋuro murí muko ŋandiro, “Anutu koro unipare” nanŋe. ^e 1:5 “*miti mande*” ŋuko Anutuko *Kristo* asáŋoní khumoro quhurínanimboro kimo tiní Anutu koya newonde kanata tewero ŋuro mande meté mu nanŋe. ^f 1:6 “*samaka-samaka tuwó*” ŋuko Anutu eneŋombo nore samaka yereyote. Kimoyó moré kini. ^g 1:8 “Yuqa” ŋuko *Yuqa Surumí* nanŋe, Anutu koro Yuqa. ^h 1:11 “sine parámi” ŋuko eneŋo owé parámi ŋunde qembe, eneŋo o soso meté horé mu. ⁱ 1:14 “*kimo nerero*” ŋuro murí muko ŋandiro: norendo o piyimi kusunoyómo kusiyowí yoteto. Ŋundiro nanŋe Anutuko kimo tero yoriní kina yowato.

nokono, samboko yote ŋu towomukaró. O soso yote ŋuko o toŋenanimbo qeneyote quya kama qeneyote quya, asa o wiri yerete qu, pará-parámiye mu, kembé-kembéye mu, owéye moré qu,^j ŋu soso enewore riní tunoqaró, ko eneŋomboro naŋge towaró. ¹⁷Ko o soso kama tunoqeyoní, ene komo yora. Ko ene quroko o soso kondéreyote. ¹⁸Enendo Anutu koro huru-huru^k ŋuro kembé yote, ko unipare ŋuko eneŋo kowí qembe. Eneko hurí ŋu, meré koŋgo otoqowaŋgo ŋuro koretaye tunoqaró. Ŋunde tero o soso yote quro uni kembéye yoweya. ¹⁹Dokoro Anutuko niŋgu-niŋgu tero eneŋo murí horé riní naŋunímo ŋuno maŋgoremukaró. ²⁰Anutu koya o soso nokono, samboko yote quya saŋgiri keweroyemo yaró. Asa ko Anutuko saŋgiri ŋu rotowero quro naŋuni rotoní tipiririko^l uroyi sitúŋo windoroŋoro khumaró. Ŋunde khumoní o soso ŋuro saŋgiri ŋu re rotoní kini tiní newonde kanata taŋguri.

²¹Komo ye Anutu koya topo kama taŋguri. Kini, murí piyimi tero iŋo-iŋoye muko eneŋo saŋgiri taŋguri. ²²Quko Yesu kowí saŋani uroyi tipiririko khumaró. Ŋunde tiní Anutuko ye yorero newonde kanata yeya taró. Ŋunde tero yorero eneŋo toŋímo unipare meté horé^m tero newondeye sara taró, ko oka mande kho yunowero quro kama yote. ²³Hamó, ye iŋondutuyemo watí yotoro miti mandekoⁿ o meté rewato yete ŋuro iŋoro kama rotowaŋgo tiníŋo, ŋunde yowaŋgo. Unindo miti mande ŋu yesowoyi yeya unipare soso nokono yoteŋgo quya iŋaŋguri. Ko no Pol, no miti mande ŋuro kho uniyó tunoqanowó.

Polko Anutu koro huru-huru ŋuro kho kondé teyara

²⁴Itaka ye samaka yerewero no kowe surumí tero niŋgu-niŋgu teteno. Kristoko^o quhurí korowoyara. Quko kho ŋu kama kini taró, yote. Asa ko nondo eneŋo kowí, asa Anutu koro huru-huru^p ŋuro samaka yerewero kowene saŋanimbo quhurí korowoyoteno. ²⁵Anutu eneŋombo rokó nerero kho ŋu nunaró. Ŋunde tero no Anutu koro mandí yunowe mepémo teweya. ²⁶Komo suki Anutuko mande ka re tapuŋaró, ko unipareto mande ŋu kama iŋaŋguri. Quko itaka ŋanoko tunomo tunoqini unipare

^j 1:16 O kapusa ŋu, “o wiri yerete qu, pará-parámiye mu, kembé-kembéye mu, owéye moré qu,” ŋuko yuqa kondé enesó-enesó peka. ^k 1:18 “Anutu koro huru-huru ” ŋuko unipare soso Yesu iŋondutuwo nokone-nokone ŋuno huruwoyoteŋgo qu. ^l 1:20 “tipiriri ” ŋunde quko wiri yerete uni kumimbo eneŋo uni saŋgiriye yorero ŋuno uroyi khumoyanŋuri. Rom unindo Yesu tipiriri ŋunde quno uroyi khumaró. ^m 1:22 “unipare meté horé ” ŋuko oteteye soso muko meté naŋge kini. Kini, owé ŋu “unipare meté horé” ŋuro murí muko ŋandiro, “Anutu koro unipare” naŋge. ⁿ 1:23 “miti mande ” ŋuko Anutuko Kristo asáŋoní khumoro quhurinanimboro kimo tiní Anutu koya newonde kanata tewero ŋuro mande meté mu naŋge. ^o 1:24 “Kristo ” ŋuko Yesu naŋge, asa Anutuko rokóŋoní mahero wiri yerete uni parámi horé tunoqaró ŋu. ^p 1:24 “Anutu koro huru-huru ” ŋuko unipare soso Yesu iŋondutuwo nokone-nokone ŋuno huruwoyoteŋgo qu.

meté horé^a ŋu ijotenggo. ²⁷Anutu enenjombo mande tapuŋowí ŋu^r riní uni wini meyowo^s tunomo keweroyemo tunoqíní enejo unipareyó ijotenggo. Mande ŋuko mande meté horé mu ko unipare soso samaka yereweya. Asa mande tapuŋowí ŋuko ŋandiro: Kristoko yeŋo quroko yote, ko ŋuwore o meté samboko yote ŋu rewanggo. ²⁸Norendo ŋuro unipare soso yesowo yimitoro oteteye rongaruworo iŋo-iŋo meté mu howero mande rondaqe yunoyato. Ŋuro tero unipare soso yorato Kristo quroyómo yotoro Anutu toŋímo meté horé tunoqewanggo. ²⁹Ŋunde ŋuro Kristo ŋundo no norero wimbu nunoní koweyumu kondé teyoteno.

2 ¹Ŋunde quko nondo yeweka iŋi. Yeya unipare Laotisia yotenggo quya unipare kumi no umu-kembane kama qeneyangurí. Quko nondo samaka yerewero koweyumu parámi horé teyoteno. ²Ŋunde teweqo, ye soso newondeye rukisoyoro newonde kanata tewanggo. Ŋunde tero ye iŋo-iŋo meté ŋu hamó iŋoyi tondaŋíní Anutu koro mande tapuŋowí ŋuro^t murí ŋu iŋowanggo. Murí ŋuko Kristo^u nangge. ³Iŋo-iŋo meté soso Kristo quroyómo sóqeyote. ⁴Mande ŋande yewe, uni kato mande enesó ka, mande meté mu qembe, yero iŋondutuye wosoro kaná yereweya koro. ⁵Dokoro no yeya kama yoteno, quko yuqanembo ye yiyoyoteno. Ko ye otete roneneŋowí^r tero Kristo kondé iŋondutuwoyotenggo, ŋu qeneyoteno. Ŋunde ŋuro no niŋgu-niŋgu teyoteno.

Norendo Kristo koya womoro yoto-yoto meté reteŋgo

⁶Ŋunde ŋuroko ye komo Kristo Yesu,^w Uni Parámi ŋu iŋondutuwoyangurí ŋunde nangge ene quroyómo khe u-uye howi qembe. ⁷Ye huriyembo Kristo quroyómo uró, ko ene saŋano kondé kaŋeyotenggo. Mande rondaqe yunaró ŋu kondé iŋondutuwoya suki-suki Anutu parámi yuŋgunayoŋyuri qembe.

⁸Uni kumimbo noko unindoro muríye howero iŋo-iŋo meté mu qembe, yero kina kaná yerero kondé kusi yerewanggo, peka. Uni ŋunde quro toŋete sopoyuri qembe. Iŋo-iŋo ŋuko noko koro o murí-murí nangge, Kristo koro kini. ⁹Dokoro Kristo koro kowímo ŋuno Anutu hamó

^a 1:26 “unipare meté horé ” ŋuko oteteye soso muko meté nangge kini. Kini, owé ŋu “unipare meté horé” ŋuro murí muko ŋandiro, “Anutu koro unipare” nangge. ^r 1:27 “mande tapuŋowí ” ŋunde quko iŋo-iŋo ka Anutuko komo tapuŋoro itaka nangge wisiyo yunoyote. ^s 1:27 “uni wini meyowo ” ŋunde quko Juda unipare kini qu nangge. ^t 2:2 “mande tapuŋowí ” ŋunde quko iŋo-iŋo ka Anutuko komo tapuŋoro itaka nangge wisiyo yunoyote. ^u 2:2 “Kristo ” ŋuko Yesu nangge, asa Anutuko rokóŋoní mahero wiri yerete uni parámi horé tunoqaró ŋu. ^v 2:5 “otete roneneŋowí ” ŋuko Anutuko nore rokó yiríní noreŋo murínaní enejo murí howeyote. ^w 2:6 “Kristo Yesu” - komo suki ye-ye unindo Anutuko uni ka rokóŋoní mahero wiri yerete uni parámi horé tunoqeweya qu karo yangurí. Juda unipareto uni maheweya ŋu, “Kristo,” ma, “Mesaiya ,” ye nekangurí. Asa Yesu mahiní enejo unipareyó, “Kristo Yesu,” ma, “Yesu Kristo,” nangge ye nekangurí.

yorote. ¹⁰Ko enejomboro o soso ŋu yeno yote. Enendo kembé-kembé soso ko owéye moré qu soso ŋuro uni kembé yote.

¹¹Ene quroyómo ŋuno enepa nanje yeŋo koweye toŋaró.^x Quko koweye hamó kandeto kama toŋaró. Kini, Kristoko yeŋo newondeye komo qu toŋo rotaró. ¹²Komo Yesu khumoní tapuŋoyi Anutuko wimbí tero uni tapu kongo riní otoqaró. Asa sono ranŋurí naruko ŋuno, ye ŋuya uni tapuko unŋurí ŋunde qembe. Uro Anutu koro wimbí ŋu inŋondutuwoyi ye ŋuya yoriní otoqanŋurí.

¹³Komo yendo o piyimi enesó-enesó teyaŋgo, ko newonde komo qu kama toŋo rotowí mu howeyaŋgo. Ŋunde tero ye unipare khumowí qembe yaŋgo. Ŋunde quko Anutuko quhurínani soso se roto noreya Yesu koya yoto-yoto yunaró. ¹⁴Komo suki hutuŋo mande koya oresaka mande kumimboya sokomeko nakayaŋgurí, ko sokome ŋuko utatá ka nore nunaró. Quko Anutuko sokome ŋu rero tipiririko^y uroní utatá sowoní kini taró. ¹⁵O taró ŋundo kembé-kembé enesó-enesó soso koya owéye moré qu soso ŋuro wimbuye riní umburó. Umbuní Anutuko o soso ŋu taka yerero kusi yerero se tunomo rotaró.

¹⁶Ŋunde ŋuro uni kato ye date o neyoteŋgope ma sono neyoteŋgo ŋuro ronda yerewero mepémo kini. Ko uni kato o ne-ne parámi^z teyoteŋgope ma kombo tapuŋowí quro o ne-ne^a teyoteŋgope ma Sapat naru^b koro hutuŋo mande ŋu howeyoteŋgo ŋuro ronda yerewero mepémo kini. ¹⁷Otete soso ŋuko o hamó kini, o imemoŋgo tunoqeweya ŋuro rokó nanje. Quko Kristo ŋundo ta o hamó horé. ¹⁸Uni kumimbo kaná yerewero quro kota yero eneŋo owéye ri umbute. Ko enendo sambo simó^c inŋo-inŋoyemo tunoqanŋurí ŋu potoruku te yunoyoteŋgo. Quko ŋunde tero kowe saŋaní howero eneŋo owéye hokoyoteŋgo. Uni ŋunde qundo ye yore umbuwaŋgo koro. ¹⁹Kristoko uni ŋuro kembéye, quko enendo Kristo kondé kama towoyoteŋgo. Kembé ŋundo nanje kowí soso o qímbo inoyote, ko enendo potó sunumi kowímo yote ŋu ŋuya soso riní kondéreyote. Ŋunde ŋuro kowí ŋu Anutu koro wimbímo parámi teyote.

^x **2:11** “kowe toŋowero” murí ŋuko rokó ka. Komo suki Anutuko Juda koro pukoye Abraham rokó ŋuro miraró. Mironí Abrahamko eneŋo kowí toŋoro naŋo-simómboro koweye toŋoro Anutuko rokó yereró ŋuro rokó ka taró. (Murí Tero 17 weyo qembe.)

^y **2:14** “tipiriri” ŋunde quko wiri yerete uni kumimbo eneŋo uni saŋgiríye yoreró ŋuno uroyi khumoyaŋgurí. Rom unindo Yesu tipiriri ŋunde quro uroyi khumaró. ^z **2:16** “o ne-ne parámi” ŋuko Juda unipareto kumíma naru kanata-kanata teyaŋgurí. O ne-ne kande saŋiyoro irisa qene howeyaŋgurí. ^a **2:16** “kombo tapuŋowí quro o ne-ne” ŋuko Juda unipareto kombo kanata-kanata teyaŋgurí. (Qambuye 28:11-15 weyo qembe.)

^b **2:16** “Sapat naru” ŋuko sonda naru weŋa ŋu. Ŋu naruko ŋuno Juda unipareto *huru-huru yayemo* huruwooro Anutu koro mandí weyoyi inŋoro hariri teyaŋgurí. ^c **2:18** “sambo simó” ŋuko komo suki-suki Anutuko unipare kama yoriní tunoqi sambo simó yondowaró. Ko itaka eneŋo sunará teyoteŋgo.

²⁰Ye komo Kristo^d koya khumaŋgurí quño ηuno noko koro o murí-murí ri umbuní ye kama sopo yereyote. Asa ko ye date koro noko koro hutuŋo mandeye kusunoyómo yowaŋgo? ²¹Hutuŋo mande ηuko ηande yeyoteŋgo, “Ŋu ma towowero, ηu ma newero, ηu ma pekáŋowero.” ²²Hutuŋo mande ηunde quko unindoro naŋge. Kowe o ηu towowatope ma newatope ma pekáŋowato ηu soso puqero kini teweya. ²³Hamó, nore hutuŋo mande ηuko qenero, ηu iŋondutu meté, ye iŋoteto. Asa potoruku te inowero ηuro yeteŋgo, ko owénani rato umbuwero ηuro yeteŋgo, ko kowe saŋani kondé sopo o nuŋgurí soso rotowero ηuro yeteŋgo. Quko hutuŋo mande ηundo kowe saŋanimboro murí ηu riní umbuwero mepémo kini.

Anutu koro murí howi qembe

3 ¹Ŋunde ηuro Anutuko yeya Kristo^e koya yoriní otoqanŋurí tiníqo, ye sambo koro murí meté ηu howi qembe. Dokoro, Kristo samboko Anutu kandí kondésina^f kunditeyote. ²Naru rokóŋoro koreko quro murí meté ηuro iŋoyuri qembe, nokono o quro kini. ³Dokoro ye khumowí qembe taŋgurí, ko yoto-yotoye horé ηuya Kristo koya Anutu quroko sóqeyote. ⁴Kristo ηuko yeŋo yoto-yotoyemboro murí. Asa ko ene tunoqeweya quño ηuno ye ηuya sine parámimo tunoqewaŋgo.

⁵Ŋunde ηuro nokono otete piyimi qu newondegemo yorote ηu uroyika khumoní. Nondo otete kumi ηande quro yeteno: se simbururu, otete pusú piyimi, se simbururu tewero iŋoyote, qene nuŋgu teyote, otete piyimi horé, ko naru rokóŋo situwi parámi rewero iŋoyote. Otete ηuko anutu kota-kota potoruku te yunowero ηunde qembe. ⁶Anutuko otete piyimi ηunde ηu qenero uni teyoteŋgo ηu ronda yerero saŋgirí yunoweya. ⁷Komo yendo khe ηunde qu howewaŋgo, otete ηu soso temukaŋgurí. ⁸Quko itaka ηano otete piyimi ηu se rotoyí: kiro puso, saŋgirí parámi, newonde piyimi, yesará mande, ko mande piyimi yeyoteŋgo. ⁹Ye epe kaná-kaná ma tewero, dokoro, ye newonde komo quya otete piyimi ηuya se rotoroqo ¹⁰newonde keta qu re punuwaŋgurí. Ŋunde tero Anutuko ηu newonde keta towaró ηu riní eneŋo rokóŋo qembe tunoqero iŋo-iŋo hamó reyote.

¹¹Nore unipare keta qu tunoqero kiraró kanata na yoteto, enesó-enesó kini. Nore kumi muko Grik koro wini qu,^g kumi muko Juda koro wini qu; nore kumi rokó yerero koweye toŋaŋgurí, kumi koweye kama toŋaŋgurí;

^d 2:20 “Kristo ” ηuko Yesu naŋge, asa Anutuko rokóŋoní mahero wiri yerete uni parámi horé tunoqaró ηu. ^e 3:1 “Kristo ” ηuko Yesu naŋge, asa Anutuko rokóŋoní mahero wiri yerete uni parámi horé tunoqaró ηu. ^f 3:1 Uni owé parámi moré ηu naŋge wiri yerete uni kandí kondésina ηunde kunditaŋgurí. ^g 3:11 Polko “Grik koro wini qu” yaró, ko murí muko ŋandiro: unipare soso Juda unipare kini qu.

noreko mande enesó-enesó qu, yendé enesó-enesó qu; nore kumi muko kho simó^h yotengo, kumi muko kho simó kini yotengo. Enina, noreko kanata na yoteto. Dokoro, o soso quko Kristo nanje, ko Kristoko nore soso quroko yote.

¹²¶Junde ηuroko murí meté mu tuwi qembe re punuwoyi qembe. Anutuko ye komo rokó yerero ηuro surumí ijoyoní unipare meté horé^é tunoqangurí. ¶Junde tero newonde surumí tero o meté te yunoya yeηo ri umbuní murí ime ta te yunoro o karo topé ma tewero. ¹³Ko uni ka keweroyemo topémboya mande piyimi ka tiníqo, asa topémbo quhurí ηu koroworo topémboro quhuríηo re rotoweya. Uni Parámimbo komo yeηo quhuríye ηu se rotaró, ηunde nanje ye ηuya uni kumimboro quhuríye se rotoyi qembe. ¹⁴Unipare newonde meté yunoyi qembe. Murí ηundoko o kumi meté mu koporo kondéreyotengo.

¹⁵Anutuko ye neko yiriní kowe kanata na tunoqangurí. ¶Junde tero Kristo^í koro newonde ime ηundoko ye newondeye meté sopoyote. Ko Anutu yunqunaηoyuri qembe. ¹⁶Ye Kristo koro mandí rotika newondeye quroko kondé yoní. Iηo-iηo meté rondaqero epe ino-ino teya enemo-enemo roηgaru yere qembe. Hariri yambo ηuya yambo seré quya yambo Yuqa Surumímbo newondeyemo riní tunoqete quya yero newondeyemo Anutu iηoro yunqunaηoyi qembe. ¹⁷O soso mandeto yero khe kandeto teyotengo ηuko Yesu Uni Parámi ηuro owímo teya enewore Anutu Awa yunqunaηoyuri qembe.

Suwisawenanimboro oresaka mande

¹⁸Ye pare, yeηo kameyemboro kusunoyemo yuri qembe. Murí ηuko Uni Parámimboro toηímo roneneηowí mu nanje.

¹⁹Ye uni, yeηo pareye newonde meté yunoya saηgirí ma yunowero.

²⁰Ye simóye, yeηo awa-náyemboro mandeye soso howeyuri qembe. Uni Parámimbo murí ηunde ηuro ijoyote.

²¹Ye awa-awaye, yeηo simóye yi saηgirí ma tewero, yate ene oka meté mu tewero mepémo kini tewaηgo koro.

²²Ye kho simó,^k yeηo nokono ηano sopo-sopoyemboro mandeye soso howeyuri qembe. Quko naru kumimo eneηo toηímo nanje kho meté tewe

^h **3:11** “kho simó” - ηu naruko ηuno unipare qambu kho simó, kho pare tunoqangurí. Naru kano wini irisa kuma tero kako taka yerero kusi yiriní kho simó tunoqangurí. Naru kano uni kato utatá parámi tero topé tewero mepémo kini, eneηo soweyoro kho simó tunoqangurí. Asa kho simó ηunde quko uni parámíyómboro kho qu teyara, eneηomboro o ka tewero mepémo kini. ⁱ **3:12** “unipare meté horé” ηuko oteteye soso muko meté nanje kini. Kini, owé ηu “unipare meté horé” ηuro murí muko ηandiro, “Anutu koro unipare” nanje. ^j **3:15** “Kristo” ηuko Yesu nanje, asa Anutuko rokóηoní mahero wiri yerete uni parámi horé tunoqaró ηu. ^k **3:22** “kho simó” - ηu naruko ηuno unipare qambu kho simó, kho pare tunoqangurí. Naru kano wini irisa kuma tero kako taka yerero kusi yiriní kho simó tunoqangurí. Naru kano uni kato utatá parámi tero topé tewero mepémo kini, eneηo soweyoro kho simó tunoqangurí. Asa kho simó ηunde quko uni parámíyómboro kho qu teyara, eneηomboro o ka tewero mepémo kini.

nenemboro meté ye inoweya ñu ma inowero. Kini. Ye Uni Parámimboro na soreya naru rokónjo kho meté tewero ñuro kheyó howeyuri qembe. ²³Ye o soso teroqo kho kondé ti qembe. Kho ñuko yendo uni karo kho qu kama teyotenggo. Kini. Uni Parámimboro kho qu teyotenggo. ²⁴Dokoro imemonggo Uni Parámimbo o meté unipareyó yunoweya. Ye Uni Parámi Kristo¹ koro kho uniyó yotenggo. ²⁵Uni kato o piyimi ka teweya quko o koroqe ñuro kimoyó reweya. Anutuko unipare soso ñuro otete kanata nanje howeyote.

4 ¹Ye kho simómboro sopo-sopoye, murí roneneñowí tero kho simóye te yunoyuri qembe. Dokoro ye ñuyako sopo-sopoye samboko yote.

Hariri ti qembe

²Asa ye soso hariri tewero ñuro murí kondé towi qembe. Ko hariri tero sopo toñeteya Anutu yuñgunañi qembe. ³Noreño ñuya hariri tika Anutuko nore ñuya samaka nerero mako ka kosoní Kristo^m ñuro mande tapuñowí muⁿ tunomo yesowato. Quko unindo ñu inowero piyimiñoro no norero kusi-kusi yano ñano norotañgurí. ⁴Ye hariri te nunika no Anutu koro ino-inoyó howero mande ñu tunomo yewe. ⁵Ye kape unindoya^o kunditewañgo quno ñuno, ino-ino meté howi qembe. Naru rokónjoro Kristo koro murí uni ñu witú yerewero naru meté ñuro sopoyuri qembe. ⁶Ye suki-suki mande meté mu nanje, uni samaka yerewero ñuro mande qu yeyuri qembe. Ñunde tero uni soso ñuro mandeye ñu topé meté yewañgo.

Pol koya uni kumimboya Kolosi unipare yuñguna yereró

⁷Tikikusko nondo o soso tanowó ñuro ye yimiroweya. Uni ñuko toponani hamó ko wimbuma uni kini, kho uni meté. Enendo noreya Uni Parámimboro kho kopo teyoteto. ⁸Nondo asáñowe yeno uyareró ñuro murí ñandiro nanje, asa yendo nore date yoteto ye inowañgo, ko enendo ye newondeye rukisoyoní. ⁹Nondo Onesimus, toponani hamó ñuya asáñowe Tikikus koya uyaririyó. Onesimus ñuko yeño topoye qu ka, kho meté nanje teyote. Enendoko o soso ñano tunoqaró ñuro ye yimirowari.

¹⁰Arisitakus koya noya kusi-kusi yano yarowó ñundo yuñguna yerete, ko Mak, Barnabas koro nuwímbo ñuya yuñguna yerete. (Komo Mak ñuro mande kondé ka yimiranowó, asa enendo yeno uyareweya tiníqo, yayemo re oyi qembe.) ¹¹Ko Yesu, Jastus, ye nekoyañgo, ñu ñuya yuñguna yerete. Uni kapusa ñundo nanje Juda wini kumi noya kho kopo tero Anutuko

¹ 3:24 “Kristo” ñuko Yesu nanje, asa Anutuko rokónjoní mahero wiri yerete uni parámi horé tunoqaró ñu. ^m 4:3 “Kristo” ñuko Yesu nanje, asa Anutuko rokónjoní mahero wiri yerete uni parámi horé tunoqaró ñu. ⁿ 4:3 “mande tapuñowí” ñunde quko ino-ino ka Anutuko komo tapuñoro itaka nanje wisiyo yunoyote. ^o 4:5 “kape uni” ñuko Israel koro Anutuye ñu kama ino howeyotenggo.

unipareyó wiri yereyote naruyó^p ηuro kho teyoteto. Enendo no meté horé samaka nereyotengo. ¹²Epapiras, yeηo topoye ηundo yuηguna yerete. ηuko Kristo Yesu^q koro kho simó. Naru suki-suki yeηo wimbí tero Anutu ηande kirayote, ko yendo Anutu koro wimbí rero kondé kaηero Anutu koro iηo-iηoyó ηu soso iηika tondaηiní. ¹³Nondo ηuro hamó yeteno, enendo yeya Laotisia yendé uniparetoya Hierapolis yendé uniparetoro koweyumu parámi horé teyara. ¹⁴Ko dota ηu, toponani hamó Luk, ene ηuya Demas koya yuηguna yiritiri. ¹⁵Yendo uni topone Laotisia yotengo ηuya Nemba koya Anutu koro unipare ene yayómo huruwoyote ηuya ηande yimiri qembe, “Polko yuηguna yerete.”

¹⁶Ye sokome ηa weyoyi kini tiní rika Anutu koro huru-huru ηu Laotisia yote quño ηuno uyariní, ene ηuya weyowaηgo. Ko nondo sokome rewe Laotisia uyareró qu ye ηuya weyoyi qembe.

¹⁷Arikipus ηande miroyi qembe, “Ke Uni Parámi moηgo kho raró ηu okeyá ta sopoya kho ηu rika kini tiní.”

¹⁸No Pol, no kandenembo yuηguna yerewero mande ηa nakayáηoteno. Ye neneηo iηoyuri qembe, no kusi-kusi yano yoteno. Anutu koro samaka-samaka tuwó^r ηu meté yeya yoní.

^p 4:11 “Anutuko unipareyó wiri yereyote naruyómo ” ηuno iηondutu unipareko hamó Anutu kusuηoyómo yowaηgo. ^q 4:12 “Kristo Yesu” - komo suki *ye-ye unindo* Anutuko uni ka rokóηoní mahero wiri yerete uni parámi horé tunoqeweya qu karo yaηgurí. Juda unipareto uni maheweya ηu, “Kristo,” ma, “*Mesaiya* ,” ye nekaηgurí. Asa Yesu mahiní eneηo unipareyó, “Kristo Yesu,” ma, “Yesu Kristo,” naηge ye nekaηgurí. ^r 4:18 “*samaka-samaka tuwó* ” ηuko Anutu eneηombo nore samaka yereyote. Kimoyó moré kini.